

NEEHI MO MOHAKA.

I te tuunga o te Hinota ki Mohaka ka tonoa e te hui he Neehi mo Mohaka me ona rohe i te tawhiti rawa mai o tea kainga i nga takuta i nga hohipera.

Ko te whakahioki mo taua take e penei ana: Kei te whakaritea e te Poari o te Wairoa kia runa nga neehi hou, kotahi ki Nuhaka, ko tetahi ki te Wairoa, engari ka haereere mai te Neehi o te Wairoa ki Mohaka i roto i nga wiki katoa. Ko tenei o nga neehi ka mahi nui i roto i nga Maori. I a au e tuhituhi nei kua tae a Takuta Mereer o te Tari o te Ora ki te Wairoa, a maana i korero mai maana e whakatakoto te tono a nga tangata o Mohaka ki te aroaro o te Poari o te Wairoa.

Ki ora ano nga tangata o Mohaka, Ahakoa kaore i eke rawa ki te koutou hiahia, ma te aha tenei wahi hei tinatanga atu. Tena ano pea toa wa e rite ai to koutou hiahia.

TE POARI TIAKI O TUWHARETOA.

Kua tutuki nga whakariterite i waenganui i a Ngati Tuwharetoa me te Kawamatanga mo te mana ki te moana o Taupo. Kua whakaetia e te Kawamatanga te £3,000 i te tau mo te mana ki nga wai o Taupo moana, me te mana ki te tiini kotahi o te wahi ki uta. Ki te korero a nga pakeha kei te Kawamatanga ano hoki te mana ki nga awa hi taraute o Taupo. Engari kaore tenei o nga tuku a Tuwharetoa i te tino marauna, inahoki ra kei te hau mai nga rongo raruraru i waenganui i nga pakeha i nga Maori mo te taha ki nga awa. Ko te tumanako kia pai te whakaoti i tenei wahi, kia takoto marauna ai tenei mahi nui a Ngati Tuwharetoa. Mehemea ka riro mai i te Kawamatanga etahi moni i runga ake i te £3,000 i te tau, ka tukuna mai ano ma nga Maori o Taupo te hawhe o nga moni i waho atu i te toru mano.

Kua tu inaianei nga mema o te Poari Tiaki o Tuwharetoa. Ko nga mema enei o te Poari tuatahi:—

Hoani Te Heuheu.

Te Takianga Arthur Grace.

Pau Mario.

Werihē Tuiri.

Pitiroi Mohi.

Paora Rokino.

Te Kahu Te Kuru.

Te Taite Te Tono.

Kia ora te Poari o Ngati Tuwharetoa. Kia kaha ki te hapai i teua taonga kua taka mai nei ki o koutou ringaringa. Titiro whanui ki nga ora mo te iwi. Kia pai, kia kaha, kia tika hoki nga whakahaere, kia waiho ai te koutou Poari hei korero paitanga ma o koutou hapu hei whakamiharotanga hoki ma te Kawamatanga.